

TUSASS MUSICIMIK ATUISUNUT PIUMASAQAATIT

Qujanaq Tusass Musicimut soqutiginninninnut. Tusass Musicimik atuineri piumasaqaatit ataani allassimapput ("**Atuisunut piumasaqaatit**").

1. NASSUIAATIT

Tusass Music	Tusassip appitut neqeroorutaata Androidikkut aamma IOS-ikkut aaneqarlunilu atorpeqarsinnaasup pineqartumi Imarisat periarfissaalersippai.
Atuisuuffik	Tusass Musicimik atuisinnaaneq qaammatikkuutaartumik ingerlasuuvoq.
Ulloq atuisuulerfik	Ulloq taanna appikkut Tusass Musicimut atuisutut nalunaarsoruit atuutilissaaq.
Atuisut nalunaarsornerup atuutilerfia	Atuisutut nalunaarsorninniit ullormi tassani atuutilersumik atuisuuffigisaq naatsorsorneqassaaq, apeqqutaanani atuisutut pisinersutit misileeqqaarnermilluunniit toqqaasimanersutit.
Atuisuuffiup piffissami atuuffia	Tusass Musicersinnaanerit ullut 30-kkaarlugit atuuttarpoq, nammineerluni taanna ullut 30-issaanni nutartertarpoq.
Misiliineq	Tusass Musicimik misiliinerup iluani akiliisitsisoqarnaviangilaq.
Atuisutut konto	Tusass Musicimut atuisunngorninnut atatillugu kontotaartissavatsigit. Atuisutut kontonni paasissutissaatit aamma Imarisanik atuinerit aqqjissorsinnaavatit.
Isumaqaatigiissut	Tusass Musicimut atuisuuffinnut atatillugu Tusassimik isumaqaatigiissuteqarnerit atuisunut piumasaqaatit tunngavigalugit suliarineqarpoq qaqugukkulluunniillu nutarterneqartarsinnaalluni, taamatuttaaq aamma inuttut paasissutissanut politikkimut tunngatillugu.
Tusassimut akuersisummik tunniussisut	Tusassip saniatigut Imarisanut piginneqqaartussaataasut, Tusassip isumaqaatigiissuteqarfigisimavai taamaasillutik ilinnut atorpeqarsinnaasunngortissinnaalerlugit.

2. TUSASS MUSIC AAMMA ISUMAQAATIGIISSUTEQARNEQ

- 2.1 Tusass Music nipilersukkanik tusarnaagassanik kiffartuussiviuvooq nipilersukkat kalaallit Nunatsinnulluunniit arlaatigut attuumassuteqartut suliaat toqqaannartumik tusarnaarneqarsinnaalersillugit, taamatullu aamma assitaat ilanngullugit, soorlu nipilersukkat saqqaat ("**Imarisat**").
- 2.2 Tusass Musicimut atuisunngorniarlutit nalunaaruit atuilerlutillu Tusass A/S-imik, CVR: 17516345, Farip Aqqutaa 8, Postboks 1002, 3900 Nuuk, Kalaallit Nunaanniittumik ("**Tusass**", "**uagut**"). isumaqaatigiissummik pituttorsimasumut akuersisuteqassaait.
- 2.3 Isumaqaatigiissutip imarai atuisutut piumasaqaatit aamma inuttut paasissutissat pillugit politikki.
- 2.4 Tusass Musicimik atuisunngorniarlutit nalunaaruit Isumaqaatigiissutip imarisaanut akuersaassaait taamatullu Isumaqaatigiissummut pituttoqqasumut akuersillutit.

3. ATUISUTUT NALUNAARNEQ TUSASS MUSICILLU APPITAANIK ATUINEQ

- 3.1 Tusass Music Appitaata ("**App**") App Storekkut imalt. Google Playikkut aaneratigut taakkua aqcutigalugit appinik aallernermi, atulersitsinermi aammalu atuinermi piunasaqaataannik akuersissaatit, taakkualu atuarnissaannik innersuuppatsigit.
- 3.2 Tusass Musicimik Imarisaanillu atuinaraanni (i) 18-ileereersimassaait imaluunniit 13-it 17-illu akornanni ukioqarlutit angajoqqaavit taamatulluunniit akisussaasut akuersissutaannik pigisaqassallutit, aappaattut (ii) pituttoqqasumik uatsinnik isumaqatigiissuteqarsimassaait kiisalu (iii) Nunatsinni Danmarkimiluunniit najugaqarlutit. Neriorsuutigissavat paasissutissat Tusassimut immersukatit tunniussatillu eqqortuullutillu tamakkiisuusut, kiisalu atuisuuffiup piffissami atuuffianut naapertuuttuusut.
 - 3.2.1 Tusass Musicimi atuisunngoruit, aningaaserivimmi kontonniit DKK 1.00 akiliisarnissamut aaqqiissutitsinnit inniminnerneqassaaq, aningaaserivimmi kontoppit atuuttuunera qulakkeerniarlugu. Piffissap misiliiffiusup qaangiunnerani Atuisuuffik akilernerqarpat, imaluunniit kingusinnerpaamik inniminniinermit ullut 30-t qaangiuppata, inniminniineq unitsinneqassaaq.
- 3.3 Tusass Musicimik atuisunngoruit atuisutut konto pilersinneqassaaq, tassanilu illit pillutit paasissutissat pisariaqartinneqartut tunniutissavatit. Kontomut iserniaruit mobilivit normua atussavat tassungalu kode uppernarsaataasoq nassiunneqassaaq. Atuisutut kontot uppernarsarniarlugu aqqissorsinnaaniarlugulu paasissutissaatitit tassuuna iserfigisinnaassavagut.
- 3.4 Atuisutut kontoit atorneranut illit akisussaasuuvutit, tassunga aamma ilaapput paasissutissaatitit eqqortuunissaannut isertuunnissaannullu qulakkeerinninnissat, taamatullu aamma kodemut tunngatillugu. Appimik atuinermit tunngatillugu isumannaallisaanermik arlaatigut unioqutitsisoqassagaluarpat tamanna erngertumik uatsinnut nalunaarutigineqassaaq.

4. AKILIINEQ AAMMA MISILIINEQ

- 4.1 Tusass Musicimik atuisunngorniaruit Atuisuuffimmik qaammatikkaarlugit akilernerqartartumik pisissaatit. Atuisuuffimmik akiliineq qaammatit tamaasa siumoortumik pisarpoq, akiliinerlu ullormi atuisuuffiup aallartinnerata nalaani pisarluni.
- 4.2 Atuisuuffimmik misiliisoqarsinnaanera periarfissaavoq, taanna piffissaq Tusass Musicimik misiliiffiusoq akiliisitsinertaqanngilaq. Qaqugukkulluunniit piffissaq misiliiffiusoq unitsinnaavarput allangortilluguluunniit. Tamanna immikkut nalunaaqqaanngikkaluarluni pisinnaavoq Tusassimullu kinguneqartitsissutaasinnaanani.
- 4.3 Atuisunngornissamut tunngatillugu piffissamik misiliiffiusumut nalunaaruit akiliutit paasissutissartai allassavatit. Aatsaat taamaasiornikkut misiliineq aallartissinnaavoq, taamaattumik atuisunngornissat aalajangiutissagaluarukku akiliisarneq nammineerisamik aallartissaaq, akiliisitsinerlu ullormi nalunaarninniit atuutilersinneqassalluni. Misiliinerup nalaani atuisunngorusunnginnerit paasigukku piffissap misiliiffiusup atuuffiata naannginnerani atuisuuffimmik taamaatitsinerit isumagisariaqarpat.
- 4.4 Piffissap misiliiffiusup qaangiunnerani atuisuuginnarniaruit akiliummit immersukkannit nammineerisamik akiliisarneq aallartissaaq, taannalu qaammatit tamaasa nammineerisamik akiliutinnit nusutsisassaaq. Ulloq atuisutut nalunaarsuiffigisimasat naapertorlugulu akiliisitsisarneq pisassaaq. Ulloq atuisunngornermik nalunaarsuiffiit eqqorlugulu ullut 30-t qaangiunneratigut akiliisitsisoqartassaaq.

5. NUTARSAANEQ AAMMA TAAMAATITSINEQ

- 5.1 Atuisuuffiit piffissaq atuisuuffiup atuunnerata qaangiuffissaatigut nammineerisamik nutarterneqartassaaq, kisianni atuisuujunnaarnissamik immersuisimaguit tamanna nammineerisamik aamma unikkumaarpoq. Atuisuuffiit ugguuna taamaatissinnaavat: <https://music.tusass.gl>.
- 5.2 Atuisuujunnaarnissamut nalunaarnerit atuutilissaaq piffissap atuisuuffiusup naanerata aqaguani. Tassangaanniit Tusass Music atorsinnaajunnaassavat. Atuisuujunnaarlutit nalunaarnivit kingorna piffissap atuisuuffiusumut kingullermut akiliininnik utertitsisinnaangilagut, aatsaalli peqqissimisinnaatitaanerup atuunnerani taamaatitsisimaguit utertitsisinnaavugut.

6. PEQQISSIMISINNAATITAANEQ

- 6.1 Tusass Musicimut atuisunngorninniit ullut 14-it qaangiutsinnagit pisisanerit peqqissimissutigilissagalarukku tunngavilersueqqaanngikkaluarlutit allanngortitsisinnaavutit akiliutigisimasatillu utertillugit ("**Peqqissimisinnaatitaaneq**").
- 6.2 Peqqissimisinnaatitaaneq Tusass Musicimut atuisuulerninniit ulluni 14-ini tulliuttuni atuuttarpoq, tassani apeqqutaangilaq Atuisunngorsimaneq imalt. piffissamik misiliiffiusumik atueqqaarsimaneq. Taassuma kingorna peqqissimisinnaatitaaneq atorunnaartarpoq.
- 6.3 Akiliutigisimasannik utertitsinermi akiliut atorsimasat atorlugu akiliutigisimasat utertissavarput.
- 6.4 Peqqissimisinnaatitaanerit atorusukkukku uunga allallutit attaveqassaatit music@tusass.gl, peqqissimisaninnillu ilisimatitsillutit.

7. TUSASS MUSICIMIK ATUISINNAATITAANEQ AAMMA IMARISAI

- 7.1 Tusass Musicimik Imarisaanillu atuisinnaatippatsigit, tamannali killiligaavoq Imarisat tunniunneqarsinnaanatik ingerlateqqinneqarsinnaanatillu ("**Atuisinnaatitaaneq**"). Tusassip Tusass Musicip Imarisai tuniniarsinnaangilai tunniussinnaanagilluunniit. Tusassimut akuersissummik tunniussisut Imarisanut piginneqqaartussaataaneq piginnarpaat, tassunga apeqqutaangilaq illit atortorissaarutinniilersimanagera, soorlu qarasaasianni, mobilinni, tabletinni, qarasaasiami angallattakkanni, nipiliutini assigisaaniluunniit. Matumuuna neriorsuutigaat akuerlugulu Tusass Musicimik atainerit taamaallaat ilinnut atuutissasoq, ingerlatitseqqiinnaangilatit imarisaanilluunniit allamut atullutit siammarterillutilluunniit.
- 7.2 Atuisinnaatitaanerit atuutissaaq atuisutut taamaatitsinissavit imalt. Tusassip taamaatitsinissaata tungaanut.
- 7.3 Isumaqatigiissummik akuersinivit avataatigut aamma inatsisit atuuttut avaqqullugit Tusass Musicimut Imarisaanullu arlaannaatigulluunniit atuisinnaatitaangilatit. Tusass Tusass Musicimut Imarisaanullu arlaannaatigulluunniit tunngatillugu pisinnaatitaaffinnik tunniussinngilaq, taamaallaat Isumaqatigiissutip iluani atuuttut iluanni atuisoqarsinnaavoq.
- 7.4 Tusass Musicimik Imarisaanillu atonerluisoqartillugu Tusass pisinnaatitaavoq mianersoqqussallutit aamma/imaluunniit ingerlaannaq atuutilersumik Tusass Musicip siunertaanut ("**Naapertuuttumik atuneq**") tunngavigalugu atuisinnaajunnaarsissallutit imalt. atuisuuffiit matussallugu. Assersuutigalugu ima pisoqarpat:
- (i) Tusass pasitsaassaqaruni Atuisuunerit allanut aamma atortittarit, taamaasillunilu allat Tusass Musicimik atuisutut nalunaarsorsimanatik illit pigisat atorpassuk.
 - (ii) Tusassip atuisunngorniarnarit itigartitsissutigisinnaavaa oqarasuaativit normua atuisunngorniarninnut atoreersimasat atoqqinniaraluarukku. Taamaattoqarnerani

Tusassip pasitsaassinnaavaa Peqqissimisinnaatitaanermut periarfissaq atornerlullugu Imarisanut akiliinngikkaluarlutit iserniaqqikkaluarsimasutit.

- (iii) Tusass pasitsaassaqaarsinnaavoq Imarisat akornanni nipilersortartut Tusassimut akuersisummik tunniussisimasut isertitassaas taamaallaat eqqarsaatigalugit aalajangersimasunik appisimaartoqaqattaartoqarneranik.

- 7.5 Tusass Musicimut Imarisaanullu tunngatillugu isumaqatigiisummik piumasqaatinillu attassisinnaannginneq tunngavigalugu Tusass pisinnaatitaavoq mianersoqqussallutit, erngertumik atuisinnaajunnaarsissallutit imalt. atuisuuffiit matussallugu.
- 7.6 Suleqatigisat pingajuannut, soorlu open source softwaremut Tusass Musicimut ilaasut suleqatit pingajuannut akuersissutaasunut piumasqaatit naapertorlugit atorneqaarsinnaatitsipput.

8. AALLERFIGINEQARSINNAASUT ATORTORISSAARUTILLU SULEQATIGISANEERSUT

- 8.1 Tusass Music ilinnut periarfissaalersinniarlugu appit, nittartakkat allallu kiffartuussissutit suleqatigisat kiisalu atortorissaarutit suleqatigisat pigisaat aqutigalugit Tusass Music aaneqaarsinnaalersinneqarpoq ("**Suleqatigisat aqutigalugit aallersinnaaneq aamma Atortorissaarutit**"). Suleqatigisanit atortorissaarutaannilluunniit iliuuserineqartut aamma taakkua imarisaat periarfissiissutaallu pillugit Tusass akisussaatinneqaarsinnaanngitsoq paasillugulu akuersissutigivat. Suleqatigisat aamma Atortorissaarutaat atorlugit aallersinnaaneq imalt. isumaqatigiissuteqarneq neqerooruteqartarnermilluunniit niueqateqaarsinnaaneq pillugu Tusass matumani Suleqatigisanut atortorissaarutaannullu naleqqussaalluni aaqqiiniansarisinnaanngilaq.

9. TUSASSIMUT PISINNAATITA AFFILIINERIT

- 9.1 Tusass Musicimik atuinikkut pisinnaatippatsigut nittarsaassinermi imarisanik ussasaarutinillu assigisaanillu takutitsivigisassallutit. Taamatuttaaq aamma pisinnaatippatsigut suleqatigisatta taamaaliorsinnaatinnissaannut.
- 9.2 Tusassip kiffartuussisarnerminut aamma neqeroorutigisartakkaminik nittarsaassinnissaminut suliaqarnerminut atatillugu illit paasissutissaatinnik Tusass Musicimillu atuininnik katersisinnaanissaannik akuersivutit. Taakkua suliffeqarfiup iluani taamaallaat atugassaapput.
- 9.3 Tusass Musicimut Imarisaanullu tunngatillugu isumassarsiat, siunnersuutit uterfiginninnerillu Tusassimut anngussatit isertuussassatut isigineqassanngillat, aamma taamaaliornikkut Tusass pisinnaatissavat anngussavit killeqanngitsumik akueqanngitsumillu atorneqaarsinnaaneranik.

10. PILERSITANIK PIGINNITTUSSAATITAANEQ

- 10.1 Suulluunniit pilersitanut piginnettussaataaffiit, taaguutit soqutigisallu Tusass Musicimut attuumassuteqartut, matumani aamma meqqit, kiffartuussissutit meqqii, ilisarnaatit, oqaasinnaat, suliffeqarfiit atii, nittartakkat atii, Tusass Musicimut ilisarnaataasut allat imalt. tassunga ilisarnaatit atornerqartut ("**Tusass Musicimut ilisarnaataasut**") taamaallaat Tusassip Tusassimulluunniit akuersisummik tunniussisup pigaat. Isumaqatigiisummik akuersinikkut Tusass Musicimut ilisarnaataasunik arlaannaatigulluunniit atuisinnaalersinngilaatit, niuernermet attuumappat niuernerunngikkaluarpalluunniit.
- 10.2 Suulluunniit pilersitanut piginnettussaataaffiit, taaguutit soqutigisallu Imarisanut attuumassuteqartut, matumani piginneqqaartussaataanerit, meqqit ilisarnaatillu taamaallaat Tusassip Tusassimulluunniit akuersisummik tunniussisup pigaat. Isumaqatigiisummik akuersinikkut Imarisanut arlaannaatigulluunniit atuisinnaalersinngilaatit, niuernermet attuumappat niuernerunngikkaluarpalluunniit.

- 10.3 Isumaqatigiisummi akuersinikkut Tusass Musicimik Imarisaanillu atugaqarlutit pilersitsisinnanissamut, saqqummersitsisinnanissamut, koperisinnanissamut, tuniniaaqqissinnanissamut saqqummersitsisinnanissamulluunniit akuersaanngilatit. Taamaallaat Isumaqatigiissutip iluani illit Tusassillu akornanni isumaqatigiissutaasut allakkatigut pisut atuupput.

11. PIFFISSAQ AAMMA UNITSITSINEQ

- 11.1 Isumaqatigiissut atuutilissaaq ullormi Tusass Musicimut atuisutut nalunaarsorfigisanni, taannalu atuutissaaq piffissaq atuisuuffiup killigitataata tungaanut imaluunniit atuisutut taamaatitsinissavit tungaanut imalt. piomasagaatini allassimasut naapertorlugit.
- 11.2 Qaqugukkulluunniit Tusass Musicimik atuisuunerit unitsissinnaavat, taamaasiorsinnaavutit Tusass Musicip appitaata peerneratigut unitsinneratigullu.
- 11.3 Qaqugukkulluunniit Isumaqatigiissut piomasagaatit imm. 5-imiittut naapertorlugit unitsissinnaavat.
- 11.4 Tusassip Atuisuuffiit qaqugukkulluunniit taamaatissinnaavaa peqqutini nalunaarutigeqqaanngikkaluarlugu aamma sioqqutsisumik ilisimatitseqqaanngikkaluarluni, matumani aamma atuuppoq (i) Isumaqatigiisummik malitsitsisimassanngikkaluaruit; (ii) Tusassip Tusass Musicimik Imarisaanillu atornerluisutut, sianiinaarisutut peqquserluttutulluunniit pasitsaatissagaluarpatit; (iii) Tusassip atuisutut kontot atorlugu unioqqutitsininnik pasitsaatissagaluarpatit. Tassunga tunngasut sukumiinerusut imm. 7-imi allaqqapput.
- 11.5 Tusass illit Atuisuuffigisannik taamaatitsissagaluaruni akiliuteqartarnermut tunngatillugu nammineerlutit taamaatitsinittuut piomasagaatit imm. 5-imi allassimasut atuutissapput.

12. AKISUSSAAFFIK AKISUSSAAFFIMILLU ATORUNNAARSITSINEQ

- 12.1 Tusass Music taamaanneratut itsillugu atorsinnaalersinneqarpoq atortuinut, atorsinnaaneranut pissarsiarineqarsinnaanerannullu tunngatillugu qularnaveeqqusigaanani.
- 12.2 Arlaatigut illit Tusass Musicimik atuisutut annaasaqarninni Tusass akisussaatinneqassagaluarpat tamanna ukununga killiligaavoq (i) toqqaannanngitsumik annaasanik taarsiiviginnittoqarsinnaanngilaq, matumani aamma datanut annaasanut taarsiisoqarsinnaanngilaq, (ii) annaasalli taarsiivigineqarsinnaaneri 1.000 kr-mut killiligaapput; aamma (iii) taamaallaat tamanna piomasarineqarsinnaavoq Tusass mianersuaalliorluni piaaraluniluunniit iliuseqarsimappat.
- 12.3 Siuliini allaqqasut akisussaaneq pillugu malittarisassanik inatsimmik atuuttumik saneqqunneqarsinnaanngitsumut killiligaapput.

13. PISSARSIASSAANERA AAMMA ALLANNGUUTIT

- 13.1 Tusass Musicip sapinngisamik ajunngitsumik atorsinnaanissaa qulakkeerniarlugu atortuinik pioreersunik nutaanillu pitsanngorsaniarluta, imaluunniit ingerlatsinermut, isumannaallisaneermut inatsiseqarnikkulluunniit tunngasuni pitsanngorsagassaqartillugu Isumaqatigiisummik allannguutininik suliaqarsinnaasarpugut.
- 13.2 Tamatuma saniatigut Atuisuuffiit atuuttut allanngortinnissaannik taamaatinnissaannilluunniit pisinnaatitaavugut, matumani akitigut allannguutit piffissallu misiliiffiusup iluani piomasagaatinik allannguisinnaalluta.
- 13.3 Isumaqatigiisummut tunngatillugu annertuunik allannguisoqartillugu periuseq naleqquttoq atorlugu ilisimatinneqartarumaarputit, ass. Tusass Music appiatigut nalunaarutisinikkut.

Taamaaliortoqarneratigut Tusass Musicimik atuiinnerit ingerlakkukku allannguummik akuersisimasutut isigissavatsigit.

13.4 Isumaqatigiisummut tunngatillugu allannguutit akuersaassanngikkaluaruit Atuisuuffinnik piffissaq eqqorlugu taamaatitsissaatit. Tamanna pissaaq Isumaqatigiissutip nutaap atuutilinnginnerani uunga allallutit music@tusass.gl.

13.5 Tamatuma saniatigutaaq aamma imminut pisinnaatippugut Tusass Musicimik allannguisinnaalluta imaluunniit unitsitsisinnaalluta.

14. MAALAAARUTIT

14.1 Tusass Music pillugu maalaaruteqarusukkuit e-mailikkut toqqaannaq allassinnaavutit uunga music@tusass.gl, qinnuigissavatsigit maalaarutivit suunera ersarissumik sukumiisumillu allasagakkut qanoq ilionnissatsinnillu kissaatit ilanngullugu allallugu.

14.2 Maalaarutit aamma Atuisartut Pisisartullu Maalaarutaannik Aalajangiisartunut ingerlateqqissinnaavat. Uggua paasisaqarnerugit: <https://aqa.gl/ka/atuineq/>

15. INATSISIT TUNNGAVIGISAT

15.1 Isumaqatigiisummi matumani Tusass Musicimillu atuineq kiisalu Tusass Musicip appitaa Nunatsinni inatsiseqarnerup iluani inissisimapput.

16. SAAFFISSAQ

16.1 Tusass Music imalt. Isumaqatigiissut pillugu apequtissaqaruit Tusassimi atuisunut sullissivik saaffigisinaavat:

Tusass A/S

CVR: 17516345

Farip Aqputaa 8

Postboks 1002

3900 Nuuk

Kalaallit Nunaat

music@tusass.gl.